

莊

子

通

義

莊子卷第三 參元朱得之

附錢塘楮伯玉

內篇

雲谷王潼錄校刊

大宗師第六

大宗師指道也。人各有師而道則範圍萬有。故曰大宗師。

知天之所為。知人之所為者。至矣。知天之所

為者。天而生也。知人之所為者。以其知之所

知。以養其知之所不知。終其天年而不中道

夭者。是知之盛也。雖然。有患。夫知有所待而

後當。其所待者。特未定也。庸詎知吾所謂天

之非人乎。所謂人之非天乎。且有真人而後

有真知。何謂真人。第二過化古之真人。自限不逆寡。自多不雄成。

不慕士。疑作若然者。其心於所行過而弗悔。當而不自得。

也。不但如此若然者。登高不慄。入水不濡。入火不熱。是

知^{天德}之能登。假^其於道也。若此。古之真人。其寢不

夢。神定其覺無憂。其食不甘。其息深深。無求真人之息

以踵。衆人之息以喉。屈服者其嗑言若哇。其

者欲深者其天機淺。第三忘情古之真人。不知說生。不

知惡死。其出不訢。其入不距。條然而往。條然

而來而已矣。不其甚也不忘其所始。不求其所終。不其至也受而

喜之。忘而復之。是之謂不以心捐。緣道。不以

人助天。是之謂真人。若然者。其心忘。一作志其

容寂。其頽頽。音仇一凄然似秋。煖然似春。喜

怒通四時。與物有宜而莫知其極。故聖人之

用兵也。亡國而不失人心。利澤施乎萬世。不

為愛人。故樂通物。非聖人也。有親。非仁也。天

時。非賢也。利害不通。非君子也。行名失已。非

士也。亡身不真。非役人也。若狐不偕。務光。伯

告然廣
夏大德

夷。叔齊。箕子。胥餘。紀他。申徒狄。是役人之役。

第四又總論全說天用

適人之適。而不自適其適者也。古之真人。其

狀精義而不朋。若不足而不承。與乎其觚而不

堅也。張乎其虛而不華也。邴邴乎其似喜乎。

崔乎其不得已乎。濔聚乎進我色也。與乎止我

德也。厲乎其似世乎。瞽大乎其未可制也。連合乎

其似好閉也。挽乎忘其言也。以刑式為體。以禮本

為翼。以知為時。以德為循。以刑休為體者。綽乎

其殺也。以禮為翼者。所以行於世也。以知為

時者不得已於事也。以德爲循者。言其與有

足者。至於丘也。而人真以爲勤行者也。故其

好之也。一。天性其弗好之也。一。天性其一也。一。天性其不一

也。一。天性其一與天爲徒。其不一與天爲徒。天與

人不相勝也。是之謂真人。死生命也。其有夜

且之常。天也。人之有所不得與。皆物之情也。

彼特以天爲父。而身猶父之。而況其卓乎。人

特以有君爲愈乎已。而身猶死之。而況其真

乎。泉涸。魚相與處於陸。相响以濕。相濡以

沫。不如相忘於江湖。而其譽堯而非桀也。不

如兩忘而化其道。夫大塊載我以形。勞我以

生。俟我以老。息我以死。故善吾生者。乃所以

善吾死也。夫藏舟於壑。藏山於澤。謂之固矣。

然而夜半有力者負之而走。昧者不知也。藏

小大有宜。猶有所遜。若夫藏天下於天下。而

不得所遜。是恒物之大情也。特犯人之形。而

猶喜之。若人之形者。萬化而未始有極也。其

為樂可勝計邪。故聖人將遊於物之所不得

不始於造物

生所

藏舟於壑。藏山於澤。謂之固矣。然而夜半有力者負之而走。昧者不知也。

偶取

莊子之曰。曰遊曰不

遜而皆存。善夭善老，善始善終。人猶效之。又

況萬物之所係而一化之所待乎。夫道有情

有信，無為無形，可傳而不可受，可得而不可

見。自本自根，未有天地，自古以固存。神鬼神

帝，生天生地，在太極之先而不為高，在六極

之下而不為深，先天地生而不為久，長於上

古而不老。此字不為老之義，在太極中狝韋氏得之，以挈天地，伏戲得之

以襲氣母，維斗得之，終古不忒，日月得之，終

古不息，堪坏得之，以襲崑崙，馮夷得之，以遊

大川。肩吾得之。以處太山。黃帝得之。以登雲
 天。顓頊得之。以處玄宮。禹強得之。立乎北極。
 西王母得之。坐乎少廣。莫知其始。莫知其終。
 彭祖得之。上及有虞。下及三伯。傳說得之。以
 相武丁。奄有天下。乘東維。騎箕尾。而比於列
 星。

通義

天人之間。解者不一。只是誠者。天道思
 誠者。人道也。其曰。天人所為。義極廣濶。且如
 牝牡。天所為。而合牝牡。則人所為也。知以人
 而從天。不恣濫。顓頊在牝牡之道。盡矣。蓋天機
 推生其體。而寓其用。人之道。以其覺性。而用
 其體。惟循天機之本。然悶悶醇醇。不起知識。

以此終身不爲半途而廢是人而不失其天也其爲性真完全無失豈不暢茂敷榮而盛乎故曰至矣終其天年而不中道天猶曰至死不變也志苟變雖生猶死此一天字意極合蓄其曰盛指終身不天應上文至字又如牛馬天也耕駕天人合也穿鼻絡首人也亦天也故其所謂天亦人人亦天必能如此知如此用然後爲真知然後是知之登假於道其間曰雖然有患一轉蓋言以人知天雖可爲盛然又有非一時可合必要於久而後見者人於此時當安而順之而後可見天人之不二也事物未成時有待而未定也吾之良知通貫乎始終以待其當雖天亦人雖人亦天矣逆寡英雄成不以成敗論英雄言待物暮士言守已謨士欲爲君子落科曰也過不悔當不自得只是過化悔者文之機得者驕之本其曰用兵蓋言不用兵也意在寧失國不恐失人心古公去邠從者如歸是也蓋兵以

安民以土地而殘民不忍也所謂天時非賢也者苟於事之得失一委於天時而無敬修可願之功將何以爲賢與物有宜物者對已者也物各付物不失其則是曰宜此句卽感應二義與人爲徒自有不能一者而在我者未嘗不一蓋不一乃一之所出也一與不一未之萬殊也亦一而已本之所在也自大塊載我以形至一化之所待一段言生死成敗得失皆造化所爲其機密移非智力所與能人不當致愛惡於其間蓋詳上文不逆寡三句之故舟山力真正言造物者之神且見老至倏忽也自本自根以前言道之體於人者如此不爲老以前言道體在宇宙間本如此稀韋氏以下證知之盛者及不喜人之形而遊於物所不得避之意有情活潑潑地也有信確乎不拔也妙萬物而無我何爲何形師友授受傳也悟而不化受成障也故曰不可受有觸有覺得也無形無所無可見也若有

可見卽住法矣仁見謂仁知見謂知
文王望道而未之見可證此章之旨一

由知已而知人由知人而知天此知之

至也天本無爲今言天之所以爲者其性星辰

之所以運陰陽寒暑之所以行也人之所爲

者善惡逆順之所以著禍福得喪之所以成

也既知此矣以其知之所知養其知之所不

知所知謂知之所及人事可料所不知非數

可推恍惚杳冥神鬼神帝者是也終天年而

不天此特爲知人而言故云知之盛耳知猶

有待而後當故所待者特未定也又豈知吾

所謂天之非人人之非天乎天人混融乃真

知也齊物論云知止乎其所以不知是已寡謂

貧約之時成喻盛大之時處約當以順逆則

害生處盛當以謙雄則禍至暮士以事釋之

義長卽經所謂不思慮不豫謀是也若然者

醜酢應變之間過於事情蓋適然耳何悔之
有當於事情亦適然耳何自得之有譬夫飄

瓦虛舟無心於迂物故物亦不忌之以是而
 登高何者為慄以是而入水何者為濡以是而
 而入火何者為熱哉因知而升至於道猶若
 此况忘知而頓悟者乎其寢不夢與覺同也
 其覺無憂與道同也食不甘則淡乎無味息
 深深則不離其根真人之息以踵此是養生
 家奧學南華為憫世人逐物喪真神氣耗
 不得已而發露斯旨人多疑踵字說之難通
 蓋以喻身之下極若能反求諸身見其息之
 深深則知所謂踵矣衆息以喉人所共知息
 之所自來者即踵也嗜欲熏蒸重關湮塞息
 離踵而不能復止往來於喉間是以略為萬
 物抑挫則其氣屈服而不伸而噤言若哇易
 繫云失其守者其辭屈此皆由於嗜欲深錮
 有以賊其天機非天機之淺也不忘所始即
 受而喜之不求所終即忘而復之不以心捐
 道竊疑捐應是緣狗也逐也庶協下文不以
 人助天之義齊物論不喜求不緣道可證音

有而字訛耳志字諸解多牽強不通想
爲忘字與容寂義協其論甚當元本應是如
此傳寫小差耳其頽頽若老聃出沐之特也
自前古之真人形容至此言其不以死生利
害動於中故外貌能若此喜怒通四時則與
天合道與物有宜則與人合德又惡知其窮
盡哉用兵亡國而不失人心人忘乎我也澤
施萬世不爲愛人我忘乎人也聖人盡己之
性而通物之性蓋出乎自然非用心而通之
也至仁無親而博愛賢者無時而不中君子
之於利害通而一之無所避就而禍患亦未
嘗妄及焉行所以成名名所以表行失已則
無其實非士也亡身而趨於僞者受役而已
何足以役人不役於人而自適者其惟真人
乎真人者其心蓋淵而不可測姑卽其形似
者論之義而不朋與物宜而非黨也若不足
而不承自卑者人尊之也在衆人則宜物必
黨不足必承矣解而不堅廉而不剡也虛而

不華實若虛也邛邛乎崔乎則言其情似喜
 於濟人利物又似乎不得已蓋無心之應斯
 真應也濬乎進我色腴然見於面人喜即之
 也與乎止我德愛人以德人亦樂得之此皆
 言其德容之盛有以化物厲乎難釋崔本作
 廣乎言德量廣無不包足以容斯世所以藝
 乎大哉獨成其天連乎其好閑莫見其根門
 若是則真入之道不容聲矣禮刑知德皆先
 王治世之具行乎自然與民宜之德則循之
 而皆可至於循謂安而行之非必勤勞而可
 得也陳碧虛照文如海張君房校本喜已世
 下三乎字並作也與上下句協似亦有理蓋
 聖人好惡出於至公亦猶無好惡也故好亦
 一弗好亦一其一也一亦一其一與天
 為徒本乎自然無所不一也其不一與人為
 徒或出使然不純乎一也以道觀之與不一
 亦一而已天不人不因人不天不成亦何相
 勝之有蓋恐世人泥夫迹之不一而失其理

之大同故又喻以人之生死猶天之有夜旦
凡戴天履地者俱不免而有所不得與知者
皆物情蔽之耳若攝情歸性混合天人則可
以與知死生之理猶夜旦之常而不足芥蒂
也人以天爲父而猶尊愛之況已之卓然者
乎君愈乎已而身猶死之況已之至真者乎
此又直指道體以示人人能反求其卓然至
真者則知吾之生死乃一念之起滅一氣之
往來耳儻不明此則失其所以生何異魚之
處陸而吻濡以濕沫視相忘於江湖爲何如
哉南華自謂吾爲是論亦無異譽堯非桀未
能相忘而化其道蓋欲人忘言而以無心契
之又何以掃其迹也大塊本以言地據此經
意則指造物載我以形猶云以形載我百骸
具而神乘之蓋不得不載也勞我以生者起
居飲食痛癢寒溫皆所以役我蓋不得不勞
也佚我以老者血氣旣衰形體日耄志慮日
消蓋不得不佚也息我以死者氣竭神逝四

大各離偃然寢於巨室蓋不得不息也由是
 知世人當生而憂死皆妄情耳但於其生也
 思所以善吾生凡傷生悖理損人害物者必
 不為則吾之死也惡得而不善蓋生吾者造
 物而善吾者我也其生其死何有異哉藏舟
 藏山喻人處造化中而欲逃造化之遷變不
 可得也凡天下之物有藏必有逃逃則不存
 矣惟其無所藏故物不得逃而皆存物不得
 逃而皆存之處無何有之鄉廣莫之野是也
 得是而遊焉任其無心之遇曠然達觀無往
 不存此藏天下於天下之道也惟出機入機
 生化萬變見其日新耳物安所逃哉世人執
 於私見往往認物以為已有謂舟山為不逃
 之物壑澤為可藏之地形質有不化之方不
 悟夫真樞潛運寸晷不停日物曰地與形俱
 化而不自知也然則欲超造化將有道乎曰
 無藏無執心與天遊欲求見在猶不可得又
 惡知所謂造化哉善天善老諸本皆然惟陳

碧虛照張君房校本作善少善老於義爲優
自篇首敎真入之道死生之理至夫道有情
有信至末則又論道之體及上古得道之人
以證之語雖奇異理實明白諸解論之詳矣
其間神鬼神帝之語尤爲弔詭輒陳管見附
於條末鬼神即陰陽自本自根無形而神者
也運動而生天地可名可道有形有神者也
其爲體也無在無不在無爲無不爲又何高
深久老之足議哉竊詳此義本於道德經玄
乳之門是謂天地根玄乳乃陰陽異名能知
玄乳之門則知鬼神帝之說神則處陰陽之中
而互爲體用是謂無方不測之妙也信能知
夫生天生地者則我身之所自來不期知
而知既知所自來則其去也有昧然者乎
南伯子葵問乎女偶曰子之年長矣而色若
孺子何也曰吾聞道矣南伯子葵曰道可得

學耶。曰。惡惡可。子非其人也。夫卜梁倚。有聖

不覺聰明

木覺

靈樞經

人之才。而無聖人之道。我有聖人之道。而無

志聰明

終

聖人之才。吾欲以教之。庶幾其果為聖人乎。

不然。以聖人之道告聖人之才。亦易矣。吾猶

志聰明

守而告之。三日。而後能外天下。已外天下矣。

志聰明

吾又守之。七日。而後能外物。已外物矣。吾又

志聰明

守之。九日。而後能外生。已外生矣。而後能朝

夜氣清明

性

志聰明

徹。朝徹而後能見獨。見獨而後能無古今。無

志聰明

古今而後能入於不死不生。殺生者不死。生

者不生。其爲物無不將也。無不迎也。無不
致也。無不成也。其名爲櫻寧。櫻寧也者。櫻而
後成者也。南伯子葵曰。子獨惡乎聞之。曰。聞
諸副墨之子。副墨之子聞諸洛誦之孫。洛誦
之孫聞之聵明。聵明聞之聵許。聵許聞之需
役。需役聞之於謳。於謳聞之玄冥。玄冥聞之
參寥。參寥聞之疑始。

此因上章可傳不可受。可得不可見之
音而更闡之也。不然云者。以爲非卜梁倚不
告也。守之者。靜默以待其思議之息也。三七
九之期。用功之難易也。朝徹者。夜寢。芳醒外

威未接虛明瑩淨之謂也見獨者見性也此
 性無對故曰獨猶曰上天下地惟我獨尊也
 不死不化不生者天地間虛靈之性亘萬古而一
 如者蓋物之出入莫非其所為故以殺生生
 生歸之櫻粹云者將迎成毀交於前而此中
 湛寂無所礙猶曰常應常靜如此乃可謂之
 成也有聖人之才得聖人為依歸而用功漸
 次不苟不易且如此况稟質之下習染之深
 不奮決裂之志不求踐之登鹵莽恍惚以
 躡其等乘以易心而欲性天不失難矣哉
窮海道者所以建中立極啓迪人心才者所
 以開物成務恢規創業聖人以天下為心任
 教化之重於斯二者蓋不可偏廢焉權夫二
 者之重輕則寧處道而有餘無或流於才勝
 所以女儒之化卜梁猶守而告之知才之障
 道而難入也始外天下特遺其粗外物遺其
 在外者外生遺其在未明見獨觀物之無流
 不忘矣朝微明物之所未明見獨觀物之無流

不觀無古今則時不可拘無死生則形不能
定以死爲虐則不能殺生以生爲恩則不能
生物矣惟其無將無迎無成無毀所以無不
將無不迎無不成無不毀也其名爲櫻寧郭
氏櫻同縈今定如字人處世間日與物接罕
有不櫻拂其心者衆人則櫻之而亂聖人則
櫻之而寧櫻之而亂道之所以喪櫻之而寧
道之所以成也亦循常應常靜之義副墨生
疑始虛齋謂副墨文字也因有言而後書之
簡策形之言正也書之墨副也洛誦者包紵
而誦之也依文而讀背文而誦猶子生孫也
瞻者見也見微故曰瞻明聶與聶同以言日
許故曰聶許需待也役行使也待時而行使
也於嗟嘆也於謳者言之不足而詠歌之自
得之樂也凡此皆擬名寓意謂道雖是讀書
而後有得終歸於造物之神玄冥有氣之始
參寥無名之始疑始又是無始之始
此狀吾性天之景造物不外乎此也

子祀。子輿。子犁。子來。四人相與語曰。孰能以

無為首。以生為春。以死為死。音羔孰知死生

存亡之一體者。吾與之友矣。四人相視而笑。

莫逆於心。遂相與為友。俄而子輿有病。子祀

往問之。曰。偉哉。夫造物者。將以子為此拘拘

也。曲僂發背。上有五管。頤隱於齋。肩高於頂。

勾贅指天。陰陽之氣有沴。其心閒而無事。躄

而鑑於井。曰。嗟乎。夫造物者又

將以子為此拘拘也。子祀曰。女惡之乎。曰。在

步田 躄 反 疾

而鑑於井

予何惡浸假而化予之左臂以爲雞予因以
求時夜浸假而化予之右臂以爲彈予因以
求鴉炙浸假而化予之尻以爲輪以神爲馬
予因而乘之豈更駕哉且夫得者時也失者
順也安時而處順哀樂不能入也此古之所
謂縣解縣而不能自解者物有結之且夫物
不勝天久矣吾又何惡焉俄而子來有病喘
喘然將死其妻子環而泣之子犁往問之曰
叱避无怛化倚其戶與之語曰偉哉造化又

黎脫

無備

命造

遺累

將奚以汝為。將奚以汝適。以汝為鼠肝乎。以

汝為蟲臂乎。子來曰。父母於子。東西南北。唯

命之從。陰陽於人。不翅於父母。彼近吾死而

我不聽。我則悍矣。彼何罪焉。夫大塊載我以

形。勞我以生。佚我以老。息我以死。故善吾生

者。乃所以善吾死也。今大冶鑄金。金踊躍曰。

我且必為鑊錙。大冶必以為不祥之金。今一

犯人之形。而口人耳。入耳。夫造化者必以為

不祥之人。今一以天地為大鑪。以造化為大

治惡乎往而不可哉成然寐遽然覺

通義 凡物始於無終於無其生其死一物之性來耳苟入於不死不生者其所存豈在七尺之軀四子相視而笑日擊道存也故莫迎於心跽躄蓋非其貧可見子犁謂又將奚以汝為將奚以汝適猶曰又將以汝為何物又將以汝而同往也二以字有天命與所生之物同出同入之意

義 按此四人以無為首以生為脊以死為尻知死生存亡之一體者與之為友與庚桑楚篇始無有而有有生生俄而死以無有為首以生為體以死為尻孰知無有死生之一體者吾與之為友義同諸解論之詳矣下文郭氏從有沴為句餘解因之音義載崔氏本從其心為句開而無事屬下文亦自有理人之困形天地間已為造物所拘而今所病攀奉

生
卷之三
章林

若此是入為形所拘也雖陰陽之氣有沴於外而心閒無事躡躡鑑井始嘆為形所拘似亦未能忘情終安於天所賦則亦何惡之有假使化子之臂為雞彈因而求雞彈之實假使化子屍神為輪馬因而求輪馬之用既入化機當隨所遇而任之豈可拒耶得者時夫者順即是適來夫子時適去夫子順也此所謂縣解縣則係於造物解則造物不得以係之矣而不能自解者物有以結之惟順自然之理而不忻不距可以解此結縛故曰物不勝天也古之所謂友者惟其莫逆於平日故能規正其將死當子來妻于環泣之際叱之使避無驚其化則異於常人之所為矣又語以人處世間萬物之一而所謂人者不知其幾億萬計則又何以汝為此又釋其滯念而開其曠懷也鼠肝蟲臂言生之至微而不足道者設使造物所命亦安之而已其可距乎於此而有以見灼知生死之理則無適而非

樂無時而不安推其緒餘足以濟朋友之危
解世俗之惑豈小補哉大塊載我以形至善
吾死也重舉前文以證蓋慮常人之情畏死
而不得免則預為他生之計毫釐係念萬劫
縈纏譬夫躍治之金亦祇以異而鑿鑿不可
必得矣是以至人以天地為爐造化為冶萬
物無極吾與之無極何必曰人耳人耳而愛
其不得耶又況於鼠乎蟲乎疇乎臂乎觀古
人之所以自處者若此則豈生死所能拘蓋
以生為寐死為覺故也以死為覺則何時而
非覺哉

子桑戶。孟子反。子琴張。三人相與語曰。孰能

相與於无相與。相為於无相為。孰能登天遊

霧。撓挑无極。相忘以生。無所終窮。三人相視

而笑莫逆於心。遂相與友。莫然有間而子桑

戶死。未葬。孔子聞之。使子貢往待事焉。或編

曲。或鼓琴相和而歌曰。嗟來桑戶乎。嗟來桑

戶乎。而已反其真。而我猶為_樂人。猗。子貢趨而

進曰。敢問臨尸而歌。禮乎。二人相視而笑曰。

是惡知禮意。子貢反以告孔子。曰。彼何人者

耶。修行无有。而外其形骸。臨尸而歌。顏色不

變。无以命之。彼何人者耶。孔子曰。彼遊方之

外者也。而丘遊方之內者也。外內不相及。而

修其身可謂名

乃者美

此世間法

世間法

丘使女往弔之。丘則陋矣。彼方且與造物者

為人。而遊乎天地之一氣。彼以生為附贅縣

疣。以死為決疣。胡亂反潰癰。夫若然。又惡知死

生先後之所在。假於異物。託於同體。忘其肝

膽。遺其耳目。反覆終始。不知端倪。茫然彷徨

乎塵垢之外。逍遙乎無為之業。彼又惡能憤

憤。然為世俗之禮。以觀眾人之耳目哉。子貢

曰。然則夫子何方之依。曰。丘。天之戮民也。雖

然。吾與汝共之。子貢曰。敢問其方。孔子曰。魚

相造乎水。人相造乎道。相造乎水者。穿池而

養給。相造乎道者。无事而生定。故曰。魚相忘

乎江湖。人相忘乎道術。子貢曰。敢問畸人。曰。

畸人者。畸於人而侔於天。故曰天之小人。人

之君子。人之君子。天之小人也。

通義

撓挑無極。撓混之也。挑辯之也。無極無

聲臭者。猶言闔闢乾坤也。往待事助勞役也。

而曰。平之。正憫生者之遭大故也。反其真者。

有知則生偽。無知則真。淳猶曰復。其無知也。

禮者。天然自有之中。禮之意。率其性。真虛微。

靈通之體。不得已之節。文不守塗。轍無所歆。

美行之於我。而不見形跡者也。天之戮民。猶

曰。天限之。而非天縱之。長天而非天生天者也。

个於天者道也性也而形則小於天也故曰天之小人此非衆中之好學者不可當此名也使人中有好學於性命之源者誠然爲天之差小之人而非人之小人矣此又勉子貢以復性之學故曰吾與汝共之大抵率性則天順情則人舉異以要同也

襄海

相與於無相與淡以成交也相爲於無

相爲靜以成德也登天遊霽則飛行無所拘相忘以生則不知有身世道遙物外何所終窮哉一笑莫逆則神交心契目繫道存非後世薄俗當面論心背面笑之比也子桑戶死孔子使子貢往待事則桑戶之爲人可知二友鼓琴相和以反真爲樂則其旨趣亦不凡矣子貢習乎禮文宜其怪而見問蓋禮意所在惟遊方外者知之且夫子非不知此也使子貢往觀而發其所問欲有以誨之耳與造化爲人而遊乎天地之一氣則陰陽之變不得以二之故以生爲贅疣聽其懸附死爲疣

雍終於潰決惡知先後之所在哉假四大而
 為身混內外而兼忘反覆終始不知端倪此
 其所以為大宗師之道也子貢復問夫子何
 方之依夫子謂子以仁義禮樂化人乃桎梏
 於造物者與汝共之言舉不逃乎此也魚藉
 水而活人籍道而生安乎水者穿池以養給
 安乎道者無事而生定此喻遊方內者亦安
 於方內而已至於相忘江湖道術之間喻遊
 方之外非世禮所能拘故處死生之變從容
 而不怛也子貢問方外之風離世絕俗遂問
 時人答以畸於人者侔於天言其違俗必合
 道也由是知天之小人乃人之君子人之君
 子即天之小人也兩句只是一句
 明畸侔之不同天人之各異也

顏回問仲尼曰孟孫才其母死哭泣無涕中
 心不感居喪不哀无是三者以善喪蓋魯國

固有無其實而得其名者乎。回一恠之。仲尼
 曰。夫孟孫氏盡之矣。進於知矣。不覺惟簡之而不
 得。夫已有所簡矣。孟孫氏不知所以生。不知
 所以死。不知就先。不知就後。若化爲物。以待
 其所不知之化已乎。且方將化。惡知不化哉。
 方將不化。惡知已化哉。吾特與汝其夢未始
 覺者耶。且彼有駭形。而無損心。有且宅而無
 情死。孟孫氏特覺人哭亦哭。是自其所以乃。
 且也相與吾之耳矣。庸詎知吾所謂吾之乎。

性理
 浩然齋
 爾雅卷三
 十七
 陳汶

且汝夢爲鳥而厲乎天。夢爲魚而沒於淵。不

美矣

識今之言者。其覺者乎。其夢者乎。造適不及

笑。獻笑不及排。安排而去化。乃入於寥天一。

通議

知者良知也。進於知猶曰造於無知。下

文曰不知所以生死是也。就先就後趨避也。簡之不得謂其欲率真忘情而不能自由。只得隨俗居喪哭泣也。已有所簡謂無滄不感不衰也。不知所以生二句言視死生如一。況世俗禮文毀譽之趨避哉。有駭形無損心言其形雖有老少之變而不失其赤子之心。蓋以其安居於平日。且清明之氣不遂於情之所觸而死定於一處也。特覺人哭三句言其自省之餘。隨人禮文是其以為吾且如此。然亦不知吾今自謂吾者何。自而有此謂也。此其忘形之極而湛一之體。淵如也。其視襲習於

以見未覺之類造適不及笑以下四句言有意則滅天機也排猶俳也有意造作適情之事自不能笑若賦笑於人則不及俳優之專矣俳優棄其廉耻者安於俳優則與自然無跡之化相背而馳故曰安排而去化既安於背化則漸習漸熟入於煩縈至於寂寥其天之本一者矣寥備冷落卽去化之極也此言反應孟孫才之居喪不

鑿其性不失其天也

義海前章子祀子與子犁子來相與為友子與形病而心無事子來將死而神不憚達理而順化者也次章子桑戶死二友編曲鼓琴相和而歌忘形而樂化者也至此章居厚喪也欲簡之而不得故哭無滯而心不衰不知所以生不知所以死又惡知辯踊哭泣而為禮哉大意明死生之不足異使人安而順之樂而忘之生者不至摧毀而死者免於驚懼

莊子

浩然齋

通義卷三

十八

夏文德

神遊所至其樂融融則所棲託必不入於暴
戾之軀矣請觀螭蟬蜻蝶之化其理可推將
化未化疑然寂然罔知彼我之分殊潛候天
地之氣應則統甲於此而化形於彼矣方其
化也或誤爲他物所觸則恚怒而變爲惡類
心變於內形移於外蓋由於感召之故夫化
雖由於造物亦有以見物之自造也其機可
不謹哉心之所適爲造適造適則真樂內全
不在乎笑而後樂因物而笑爲獻笑獻笑則
出勉強不及推排之自然物之窮通係於造
化之推排人之哀樂係於推排之所遇能安
於推排順於造化乃入於寥遠合乎自然天
人混融無二道矣此言孟孫氏明數達變順
化忘情壹以死生爲夜旦姑寓覺夢於其間
何足以係哀樂耶或問孟孫氏情忘死生心
無哀戚達則達矣然施之於母喪薄親悖禮
得不爲名教罪人乎曰彼方外之士所以報
親者以實不以文蓋有在乎陰功密行解胎

散結而極乎全神超化之妙豈屑屑爲世俗
之禮哉昔孔子之友原壤母死登木而歌則
尤甚焉者孔子過之若不聞亦卒不加責此
遊方內外之辯禮教文質之殊非遠觀不足
以語

此意而子見許由許由曰堯何以資汝意而子

曰堯謂我汝必躬服仁義而明言是非許由

曰而奚來爲軹夫堯既已燕汝以仁義而剗

汝以是非矣汝將何以遊夫遙蕩恣睢轉徙

之塗乎意而子曰雖然吾願遊於其藩許由

曰不然夫盲者无以與乎眉目顏色之好瞽

者无以與乎青黃黼黻之觀古之秀意而子曰夫无古之秀

莊之失其美據梁之失其力黃帝之亡其知

皆在鑪甄之間耳庸詎知夫造物者之不息

我黥而補我劓使我乘成以隨先生耶許由

曰噫未可知也我為汝言其大略吾師乎吾

師乎發辨鑿于今萬物而不為義澤及萬世而不

為仁長於上古而不為老覆載天地刻雕衆

形而不為巧此所遊已

義 軼夫駕車御馬者此言堯載天下人物
而終日馳驅於途路無寧息之時者也盲瞽

之補息也噫之為嘆傷其昔而訝其今也未
可知猶曰未可必也蓋去故卽新脫染復素
存乎當人立志何如耳吾師乎蓋反觀於內
而指其心之自然者猶曰吾惟師夫吾之本
有之師耳一句非二句此所謂遊正孟子所
謂器
驚也

兼濟許出一於無為兼志天下者也堯不免
於有為兼濟天下者也兼志則已逸而天下
安兼濟則已勞而天下逸聖人一出處而
有方內方外之分各安其所安也躬服仁義
明言是非方內之學也遙蕩恣睢轉徙之途
方外之遊也意而為內禮教黜淫殘劑之餘
而聞言心悟願舍方內而遊方外志亦可嘉
然由未之許而遂引三子天稟殊絕猶聞道
而化則吾之此來也亦在陶鎔鑄鍊之間耳
夫學道者所以求復其初保其全而勿傷也

既點既剗而望造物之息補不亦難乎信能
明夫物之自造則所謂點剗者亦在乎自息
自補造物何與焉意而謂儻點可息而剗可
補吾誠復爲全人乘此成全之機以隨先王
之後而進乎道未晚也人患過不知改迷不
思復意而悟昨非今是亦可謂善復者矣夫
之所師者道吾師乎指道而言也下四句發
明大宗師之道超仁義而貫古今蓋出於無
爲之爲不化之化豈世間技巧所能及哉遊
謂徜徉自得於其間無適而非逍遙也故經
中不一
言之

顏回曰。回益矣。仲尼曰。何謂也。曰。回忘仁義。

行仁義非由仁義也

矣。曰。可矣。猶未也。它日復見曰。回益矣。曰。何

特至之利

謂也。曰。回忘禮樂矣。曰。可矣。猶未也。它日復

見曰。回益矣。曰。何謂也。曰。回坐忘矣。仲尼蹙然曰。何謂坐忘。顏回曰。墮肢體。黜聰明。離形去知。同於大通。此謂坐忘。仲尼曰。同則无好也。化則无常也。而其賢乎。丘也請從而後也。

通義 莊子嘗曰。失道而後德。失德而後仁。而後義。而後禮。此舉聖功以忘為極。而乃先仁義。次禮樂者。正指世俗儂仁襲義之弊而言。忘仁義。不落驩虞也。忘禮樂。自脫桎梏也。坐忘者。不特忘形骸。并其知亦忘之矣。猶曰。吾喪我。仁則吾不知也。離形去知。總上二句。而廣之也。大通者。猶太虛之無礙也。人之情。惟有好斯有惡。無好者。無情也。與萬物同情。而

無所向所謂情順萬事而無情也如此則廓然之體無時或移感應變幻如行雲流水故曰化則無常釋氏所謂應生無所住心是也請從而後正尼父忘已好學之實於此可見孔顏之所謂忘亦可以見莊子篤信孔顏處而他章掃跡之旨益昭然矣

論語

仁義本乎心心致虛則志之易禮樂由

乎習習既久則志之難顏子於斯二者既已俱忘則亦能人之所難矣而夫子猶以為未者蓋欲進之而造夫道之極於此有以見鑄顏之意他人至是則望崖而反矣顏子又從而進坐忘之妙夫子乃驚嘆及問訝其得之之速也回告以離形去知同於大通必由忘已而後能忘物斯為坐忘矣夫不知所以同而同是為大通之道豈好同而同之哉猶大化之運頃刻不停人處其中與之俱運勿業長慧壯勞老逸其間出處動靜興廢變遷亦可常之有蓋非欲化而求化也物理自然古

今一致惟得道者我非欲化忘之而已此二
句乃夫子印證坐忘一段公案欲人求同於
異安化爲常寔形於忘合道於虛則至矣盡
矣而信能無以外習滑淅然之真則夫坐忘
亦學道者分內事夫子推之爲賢
蓋所以獎成之而誘進其徒云耳

子與與子桑友而霖雨十日子與曰子桑殆

子與亦曾故友然不與糧

病矣裹飯而往食之至子桑之門則若歌若

哭鼓琴曰父耶母耶天平人乎有不任其聲

而趨音促舉其詩焉子與人曰子之歌詩何故

若是曰吾思夫使我至此極者而弗得也父

母豈欲吾貧哉天无私覆地无私載天地豈

私貧我哉。求其爲之者而不得也。然而至此極者，命也夫。

通義 知其貧非天地父母之所欲加，而又曰命者，蓋以氣運流行吾之，所遇爲命耳。窮通休戚，有一定之分，而吾生適然遇之，則安以處之，正所謂不以其道得之不去者。子桑子其自反無愧而不然，不尤者乎。

義論 古之所謂友者，道義相資，成德就業，急難相濟，生死不渝者也。覩子與之於子桑，無愧於友道矣。淋雨而憂其病，知子桑之貧也。裹飯而往，食之，知子桑之饑也。入門聞歌而驚，問恐子桑困窮而怨尤，失其操守也。子桑謂父母豈欲我貧，天地豈私貧我，可謂達人高論。非困窮所能死也。第以爲至此極，猶未能忘情於其間，既而歸諸命，則能以理勝而

處之有道此子與所以忘言也南華用以結
大宗師之旨卽西銘所謂貧賤憂戚玉汝於
成蓋非磨礪之久涵養之極不足以
以大任故也學道君子宜深體之

褚氏總論民物之衆主之者君學徒之衆
訓之者師天生聖賢作之君師所以建隆
治體恢拓化源使人知道德之可尊性命
所當究君臣父子無失其倫天下國家同
歸於治者也然而正心誠意之本傳道授
業之徵非師無以任之其爲道也至矣宗
師則爲學者所主而尊之之稱冠之以大
猶云衆父也首論知天知人明義命以
立其本以知之所知養其知之所不知則
以人合天知出於不知是知之盛也故繼
以真人真知寢不夢而覺無憂出不忻而
入不距虛而不華悅乎忘言誠若無爲也
而刑禮知德治世之具密有以體翼之而
致極乎內聖外王之道者也夫人之愛其

父忠其君而身猶死之況其卓然至真者
 乎真之可貴有尊於君父之命而世俗罔
 知徒從事乎啣濡濕沫不若相忘江湖之
 為愈也大塊載形佚老息死此造物之善
 吾形也而人多貪生畏死故設藏舟藏山
 之喻以破其惑凡有形有生理不容避雖
 壑澤深固猶不免乎變遷有以見造物者
 無形而有力也以有限之軀藏于無窮之
 宇宙惡保其不遷哉惟能藏天下於天下
 斯無遷矣是乃聖人所游一化所待生天
 生地萬化而未始有極者何特遇人之形
 而竊喜之乎長上古而不為老登雲天而
 處玄宮皆真人之妙用大宗師體之以為
 本民物學徒倚之以為命者也女偶之無
 古無今則死生不得係之矣祀來之莫逆
 祀友則物我不得間之矣故左雞右彈神
 馬尻輪聽造物之化隨遇而安之古之所
 以懸解也曾何蟲臂鼠肝之足較而妄啓

躍冶之疑耶子反琴張絃歌而弔桑戶以
涉世爲勞反真爲幸此遊方之外異乎世
俗者方且與造物爲人則壽夭窮通不足
盡其變天地寒暑不得拘其體矣孟孫氏
有駭形而無損心猶夢爲魚鳥而戾天沒
身安於一時之變化豈以形間而異情哉
昔者南華夢爲胡蝶亦猶是也而今之所
言爲覺爲夢惟超乎覺夢者知之顏子墮
體黜聰坐忘造極傳心理窟繼統聖門原
夫出藍之青實爲師者善化之力也至於
子桑鼓琴若歌若哭求其爲之者不得卒
歸之於命有大宗師之道而不得行於時
故是篇終於子桑之安命真人以得道則
超乎命世累不得係之大宗師主乎弘道
覺民然而命有窮達或行或止此係乎時
而道無損益焉所謂真知則究極天人暢
達性命而無疑者也窮理盡性以至於命
則以處已而言命物之化而守其宗則以

宰物而言處已之命子桑子道義此篇

也宰物之命其惟大宗師乎○八章次第

相承其意義只是盡性只是人而合天入

於忘情識而已矣即所遇之順逆不遂於

時不滯於欲各盡其當然之道惟

天惟命師又何方乎故曰大宗師

應帝王第七言帝王之道應合如此也

齧缺問於王倪四問而四不知齧缺因躍而

大喜行以告蒲衣子蒲衣子曰而乃今知之

乎有虞氏不及泰氏有虞氏其猶藏仁以要諫詞

人亦得人矣而未始出於非人泰氏其卧徐

徐其覺于于。一以已為馬。一以已為牛。其知

情信其德甚真而未始入於非人

四問四不知洗問者之心也問者退省而去其有問之心卽得其本性矣故躍而大喜有虞有思度也秦氏則泰然於世無心思也此皆擬名以表上古之風者其知之應世惟順情而不詭是以其爲德也極真而無粧飾所以行於世者似異於人而實無以異於人也未出非人未出類也未入非人未同天也未同天未出類形也事也而其心則天而已誰其知之嗜

篇復舉以標其首明真知無知是以能無不知而帝王之道尤宜忘知以任物使聽者爲之聽明者爲之視知者爲之謀勇者爲之捍吾則端拱而致無爲之治豈不偉與故蓄缺因王倪之不對喜而告蒲衣蒲衣謂乃今知

有虞不及秦氏蓋以仁為善不能不虞而出
 之未始出於非人德合乎人而以秦氏覺
 自得知德知情俱真未始入于非人則道合
 乎天何有出入道合乎天而人歸之此應帝
 王之第一義也藏字音義舊作藏故崔註云
 懷仁義以結人也成疏因之呂氏從藏釋之
 以善林陳諸解皆從呂說或謂藏藏二字古
 通借用按漢書食貨志輕微易藏則是借藏
 為藏而以藏代藏之理今
 本多作藏以善釋之為當

肩吾見狂接輿狂接輿曰日中始何以語女

肩吾曰告我君人者以已出經式義度人孰

敢不聽而化諸接輿曰是欺德也其於治天

下也猶涉海鑿河而使蚤負山也夫聖人之

治也。治外乎正而後行。確乎能其事者而已矣。且鳥高飛以避矰弋之害。鼯鼠深穴乎神丘之下以避重鑿之患。而曾二蟲之无知。

以已出經式義度言凡所以範圍天下必經常之道標示準繩必此心所安者皆由已出。偷曰弊為律身為度也。此二句已與人對經與義對式與度對治外乎正而後行確乎其能事而已矣。言聖人不期於正以為治決於人情之良能而已矣。經式義度正也。易曰百官以正萬民以察悲非結繩之淳龐也。老氏曰以正治國以奇用兵孰知以無事取天下其無正正復為奇其政察察其民缺缺。即此外乎正確乎能事之謂謂不以法度把持天下也。曾二蟲之无知言不能知二蟲之知也。

君人之道如此以已出經式義度則正人以
法而不安其性命之情人孰敢不聽而化諸
則必人之已從非心悅誠服也故接與指為
欺德謂非實德不特欺人抑自欺耳以是而
治天下憑虛莫濟必不勝任也夫聖人之治
豈務外乎言經式義度皆治外之具正而後
行確乎能事謂道德性命之理吾身之內務
本立於內則施之齊家治國平天下可也且
禽鼠猶知高飛深穴以避害况欲君人而欺
德以召患乎曾二蟲之不若也故古之應帝
王者无欲无為天下自化若任知能以為之
則君勞於上民亂於下何望乎治哉以已出
經式義度人孰敢不聽而化諸諸解多從人
為句林趙從度為句碧虛照張君房校本作
以已出經式義度凡孰敢不聽而化諸續考
吳曰官本作以已制經制字獨異

天根遊於殷陽。至蓼水之上。適遭无名人而
問焉。曰。請問爲天下。无名人曰。去。女鄙人也。
何問之不預也。傳予方將與造物者爲人。厭則
又乘夫莽眇之鳥。以出六極之外。而遊无何
有之鄉。以處壖垠。音浪之野。汝已。莫字何帛。音葵以治
天下。感予之心爲。又復問。无名人曰。汝遊心
於淡。合氣於漠。順物自然。而无容私焉。而天
下治矣。

通義 合氣於漠。氣者性體無知之本末者也。心屬人氣。屬天。此二句自治也。自然之道也。

順物而應亦惟順其自然而我無有

為之心不治天下而天下自治矣

天根喻自然之道本當隱晦涵畜任物

自化而今趨於盛明之方自顯以求有為故

問為天下無名聖人所以鄙之何謂所問之

不悅我心也乃陳無為放曠之樂統以點化

之與造物者為人言與化俱運任而不助也

莽眇猶昏冥鳥喻飛行無迹壤虛豁貌言

我迥遙自適在此汝何法以治天下感動予

心哉天根復問無名人告以遊心於淡無嗜

欲也合氣於漠無所慕也順物自然而無容

私有心於為天下則有私而失其自然名曰

治之而亂之所由生也蓋治天下之道無他

善復其自然之本則本修而天下治矣天根

不知反求諸已而

懷寶自迷哀哉

陽子居見老聃曰有人於此嚮疾彊梁物徹

明一信一不丸一三

疏明學道不勸。如是者可比明王乎。老聃曰

是於聖人也。和胥易技係勞形怵心者也。善且也

虎豹之文來田。猿狙之便執爨之狗來藉。如

是者可比明王乎。陽子居楚然曰。敢問明王

之治。老聃曰。明王之治。功蓋天下而似不自

已。化貸萬物而民弗恃。有莫舉名。使物自喜。

立乎不測。而遊於无有者也。

通論 術者向也。明白惡惡也。凡有感者。即與
通之。猶曰。因材而篤。此言疾惡而勸善。反物
者也。在自處則學道不倦也。胥易技藝。技言
天巧。藝言習熟。技藝相交易。惟役役於外物

稷成自苦耳無益於已也天地篇內孔子問
老聃語有執狸之狗獲狙之便則此麋作狸
無疑末句立言安

身遊言應物也

響 響疾諸解不同音義載梁簡文以響同

響猶庖丁章善然響然讀同響之義然考本

章大意呂林碧虛如字釋之為優今擬解云

響疾為應物之速疆梁則非守柔者也物徹

謂樂通物疏則非葆光者也學道貴於無為

而乃以不倦為功倘以技相易相係不免於

勞形怵心言所求者非道也且也至可比明

王乎乃老聃反問之辭謂若以前論響疾疆

梁等可比明王則虎豹因文彩以致獵狝因

便捷狗因執狸而致繩藉亦足以比明王乎

子居始悟楚然問明王之治乃告以忘功善

貸逃名遁形始可以論明王之治夫執麋說

之不遁麋有離來二音至大之牛豈

狗能執音義載李氏本作狸為當

鄭有神巫曰季咸。知人之死生。存亡。禍福。壽

夭。期以歲月旬日。若神。鄭人見之。皆棄而走。

賦於其言而心服也

列子見之。而心醉。歸以告壺子曰。始吾以夫

子之道為至矣。則又有至焉者矣。壺子曰。吾

道得

外說

精蘊 女一達

稱譽

與汝既其文。未既其實。而固得道與。衆雌而

女

有能

無雄。而又奚卵焉。而以道與世亢。必信夫。故

使人得而相汝。嘗試與來。以予示之。明日列

子與之見壺子。出而謂列子曰。噫。子之先生

可致

之

死矣。弗活矣。不以旬數矣。吾見恠焉。見濕灰

焉。列子入。泣涕沾襟。以告壺子。壺子曰。鄉吾

示之以地文。收斂一而萌乎不震不正。是殆見吾杜德

機也。生竟嘗又與來。明日又與之見壺子。出而謂

列子曰。幸矣。子之先生遇我也。有瘳矣。全然

有生矣。吾見其杜權矣。列子入以告壺子。壺

子曰。鄉吾示之以天壤。有無參違名實不入。而機發於

踵。是殆見吾善者機也。嘗又與來。明日又與

之見壺子。出而謂列子曰。子之先生不齊。吾

无得而相焉。試齊。且復相之。列子入以告壺

子。壺子曰。吾鄉示之以太冲莫勝。朕是殆見

吾衡氣機也。鯢桓之審。潘悞下同為淵。止水之審。

為淵。流水之審為淵。淵有九名。此處三焉。嘗

又與來。明日又與之見壺子。立未定。自失而

走。壺子曰。追之。列子追之不及。反以報壺子

曰。已滅矣。不見其形 不知所往犯失矣。吾弗及已。壺子曰。鄉吾示

之以米。始出吾宗。吾與之虛而委蛇。不知其

誰何。因以為弟。類作草是靡。因以為波流。故逃也。

然後列子自以為未始學而歸。三年不出。為

其妻爨食豕如食人於事無與親病列聖明雕琢復朴

塊然獨以其形立通墳而封哉一以是終

得吾與汝非但已與列也蓋言我輩衆人

但見其技術未知其術之所由來而遽輕易

稱道其神此猶衆雌生卵未得雄爲之真機

又孰知卵之爲妄耶汝以道有能所是與人

世相亢之物可以校短論長故信季咸爲道

之至有神巫之名其故羨畔援之心隱然於

中是以使彼得而相汝正易機動於此誠應

於彼之意其曰地文杜德機天壤善者機大

沖莫朕衡氣機三淵九淵未始出吾宗等語

未得其情因仍舊訓庸齋曰棄走者畏其言

之驗也地文杜德機天壤善者機太沖莫勝

衡氣機三淵九淵鯢桓止水流水未始出吾

宗也元修觀之名猶觀音有十二觀也大音

地文者如土而終理不泥也故曰濕灰謂無

活動意也天稟天然生意上起也善者機翁
言性之動處也衡者平也不定也氣機之動
未嘗定而常平故曰不齊此處三焉指上文
三次所示之機淵者幽深玄遠不可測之意
餘從褚氏問有未明者如云宗者指性指無
而言未始出吾宗云云猶曰未嘗離其所存
之常與季咸相接只是虛其心而從容其舉
動內不見已外不見人故曰不知其誰何彼
見我如此以為無特然可畏可象之象而有
信從之象是以自疑不能相人慚懼而逃也
食豕如食人不慢事也赤子之朴以琢而散
此言雕琢復朴蓋以習熟成性須痛加剋治
而後可還其故也塊然二句形容復朴之意
紛而封哉形容獨以形立也猶曰惟如土塊
卓然一形不見有知識動作也如此終身更
無他慕故曰一以是終此篇為季咸而述其
名僅一見而不覺其少童子凡十五見而不
覺其多史遷作魯仲連傳重出不厭其煩文

此正類

季咸以心感人而知其心者也道與世
亢則不能無心有心則有迹使人得而相也
始見壺子而哀其弗活蓋至人心若死灰季
咸無所施其感耳不震者地之體不正者坤
之化萌所以示之文可見者也杜則捷閉莫
窺機則微有可觀此至人潛德內蘊之貌有
非術者所能測識也再見壺子喜其有生謂
見杜權矣權又機之顯者始以杜而今微顯
所以知其有生也天壤謂自然天地生物之
本也名實不入心不動也惟能至靜故其機
發於下極吾身生意之所自養而為浩然之
氣廣而為及物之仁是謂繼性發見生生而
不窮者也又見壺子而疑其動靜不齊無得
而相則至人之妙用有出於術數之表者矣
太冲者虛之至故莫能窺其朕兆也衡以平
而善應氣以虛而善生皆無心於物故不待

感而自應然謂之機者亦以示之者言也三淵喻前三機之有深意九淵僅示其三而季咸之技已窮至人非有心以屈人也特示之以未始出吾宗蓋不示之示無宗之宗亦虛而已何出入之有然則壺子所示者愈近而季咸所相者愈遠宜其自失而走也季咸既戚既失壺子亦無有也然則列子將奚爲哉因悟向所學者皆其上直而今始識其真紛而封哉一以是終隕然而道盡之謂也此章實應帝王之妙旨託之季咸之相所以神壺子之道使後之心醉技術者亦將少醒焉既其文一本作無其文莫勝是朕無疑三淵審字列子並作潘音盤木盤洞也本經音義云司馬本作蟠聚也義或近之弟靡舊註同類未詳所據今依列文草靡爲卽草上之風必偃庶協下文波流之義

無爲名尸無爲謀府無爲事任無爲知主體

盡無窮。而遊無朕。盡其所受乎天而無見得。亦虛而已。至人之用心若鏡。不將不逆。應而不藏。故能勝物而不傷。

通義 有人之形有能之譽是為名尸謀任知皆名尸也無窮道之大也無朕道之微也身服此道曰體動靜無愧曰盡周旋不離曰遊無見無得性體本然之虛也天固虛也我亦虛也故曰盡其所受乎天也首四句戒不虛之習以起下文體盡至無見得狀虛之用若鏡證虛之象不將不逆以下狀鏡以表虛之體用鏡之為物妍媸取決於我是勝物也彼此無損故曰無傷此條論學道者以虛為極則不必拘上下也

象 趙虛齋以此段為連南海之帝為一章其注意略而不論按此段乃承先季成立說

用以總結其意觀文義可知名尸謀府事生
知主言季咸恃智謀以察物而任事要名也
體盡無窮以下言壺子之道不可測識至人
則指壺子明矣非有心於勝物而不能不勝
使季咸自失而走是也惟其不爭所以善勝
物又惡能傷之哉蓋明任道測其味無窮任
技則其能有限也

南海之帝爲儵音叔北海之帝爲忽中央之帝

爲渾沌儵與忽時相與遇於渾沌之地渾沌

待之甚善儵與忽謀報渾沌之德曰人皆有

七竅以視聽食息此獨無有嘗試鑿之一竅

七日而渾沌死

此言聰明之喪天德也混沌倏忽陰陽
太極之旨也故曰南比中盡有形之外故曰
海倏忽者時速如電而不少留意衆恍惚而
不可指之名此節寓言最顯善學者即大化
以考一身即一心以準大化庶不孤寓言立
教之血誠哉林云赤子之初未有知識混沌
也情欲既開是竅鑿也不
失赤子之心混沌不鑿也

身海

右章計七十四字郭氏引道經一言以

蔽之曰爲者敗之簡要切當莫越於此研味
之餘偶得管見附于衆說之後云南華經所
謂渾沌倫道道德經所爲渾成沖虛經所謂混
論皆以混道之全體本來具足不假修爲者
也然而世有隆替道與時偕隱化而爲有隆
化而爲無道體於是乎裂矣自一生三猶未
至於鑿也及乎時相遇於渾沌之境則物交
物而心猶薪火相加理無不然者渾沌無所
分別待之固亦盡善使儵忽不能忘情而思

是以爲報則渾沌之德未能不德故不免夫
恩害相生之累日鑿一竅患由漸入也七日
而渾沌死則情竇開而冲和喪宜矣
是以帝王之跡著而大道之體亡也
諸氏總論古之應帝王者無爲而萬物化
無欲而天下足淵靜而百姓定此堯舜已
試之效三代法之以垂統立極豈若後之
治國汲汲於謀術者哉故南華以爲堯舜
王倪爲是篇之首有虞論多慮秦氏論無
爲無爲足以配天此帝王所應歷數所歸
而億兆之所寄託者也若夫以己出經式
義度欲以化入下之民無異鑿穴之逃蓋有爲則
致鳥鼠是速其高飛深穴之逃蓋有爲則
有心有心則智謀所由出姦詐所由生雖
父子之天性有所不能固其於君臣之際
求如標枝野鹿之相忘何可得乎是以天
根問爲天下答以心濂氣漠順物無私子
居問明王之治答以忘功善貸使物自喜

皆所以應帝王之道以無爲爲之凡有天
下國家盍求諸此鄭有神巫期人生死論
智謀之士審觀時政足以料國之興衰先
事知幾燭微無隱可謂當代著龜然而一
見壺子哀其將死再見幸其有瘳三見疑
其不齊無得而相則觀形察色之技於是
乎有限矣明日又見自失而走何壺子之
多變而季咸之不神耶此言料國者智謀
術數不越乎人爲所以用之有窮而無爲
之主憲天體道垂拱一掌精神四達與化
無極巍巍蕩蕩民無能名則豈智謀可度
術數可窺哉結以南北二帝遇於中央言
道散爲物離無入有儻忽卽有無同異微
妙之所分今會而一之非不善也有一則
有散所以啓儻忽之鑿惟其善待之必有
善鑿者不若彼此相忘無心交化也萬斛
之舟不容漏卮何庇
乎七日而死渾沌哉

褚氏集論竊惟南華一經肆言渾治淵激籟
號作新出奇跌宕乎諸子之表若不可以繩
墨求而內篇之奧窮神極妙道貫天人隱然
法度森嚴與易老相上下某雖學未得其要
鮮不怵眩日華之五色者矣考其命意立辭
且有文理始於逍遙遊終以應帝王者學道
之要在反求諸己無適非樂然後外觀萬物
理無不齊物齊而已可忘已忘而養生之主
得矣養生所以善己應世所以善物皆在德
以充之德充則萬物符契宗之為師標立道
原範模天下為聖賢續命脉為萬世開迷雲
大宗師之本立矣措諸治道也何難內則為
聖為神外則應帝應王斯道之所以歛之一
身而不為有餘散之天下不為不足也帝王
之功雖曰聖人餘事然躋世真淳措民清靜
應化極致莫大於斯故以終內篇之旨儻忽
生而混沌死喻外王之功成而內聖之道虧
也夫今之人鑿竅而死渾沌者多矣將何術

以起之曰塞兌閉門用之不勤是爲真修渾
沌之術與○再詳七篇命題各有所主其問
或舉列稠繁渾沌真辯竊窺的指以古人德
合者配於逐條之下云逍遙遊之極義當歸
之許由宋榮以解天下物欲之桎梏而各全
自己之天也齊物論之極義當歸之許由王
倪以祛彼我是非之惑得其同然而合乎大
通也養生主之極義當歸之老聃彭祖以糺
養形骸之謬知生道所當先也人間世之極
義當歸之蘧瑗接輿明出處去就之得宜毋
攫物逆鱗以貽患也德充符之極義當歸之
王駘申徒嘉言內充者不假乎外德威者物
不能離也大宗師之極義當歸之孔子顏回
有聖德而不居其位弘斯道以覺斯民也應
帝王之極義惟舜禹足以當之謳歌獄訟之
所歸應天順人而非得已此南華公慕往古
聖賢筆而爲經標準萬世若夫真人之所造
請卽內篇而不泥離內篇而膾合所以外混

光塵內存慧照出凡入聖闔闢化機而不可
以形教拘也善學者盡知所從事焉斯可也
○異觀內聖外王彼成此虧爲說則全書之
旨要未免於口耳也何也體用一原顯微無
間者未徹也且功成不自知又何內聖之虧
乎內聖虧又何以成外王也若林氏謂其篇
篇結束不同知道遙遊之有用無用齊物論
之夢覺養生主之火傳人間世之命也夫德
充符之終自鳴末篇之儻忽渾沌復結以七
日而渾沌死如此機
軸是精藝者所當知

莊子內篇第三卷

終